

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća

Broj: 01-04-1488/25-AP-2

Datum: 16.07.2025. godine

GRADSKO VIJEĆE ZAVIDOVIĆI

Amira dr Hadžić, spec. radiolog, predsjedavajuća

PREDMET: Odgovori na vijećnička pitanja sa 7. sjednice Gradskog vijeća Zavidovići, održane dana 29.05.2025. godine, dostavlja se

Poštovani,

U prilogu akta dostavljamo odgovore na vijećnička pitanja vijećnice Amre Jupić, postavljena na 7. sjednici Gradskog vijeća Zavidovići, a upućena nadležnoj službi Grada Zavidovići, JKP "Radnik" d.o.o. Zavidovići i Policijskoj stanici Zavidovići kako slijedi:

- Kopija rješenja Federalne uprave za inspekcijske poslove broj: UP1-10-23-7-03230/2016-1009-2-P od 04.05.2016. godine,
- Kopija odgovora Policijske stanice Zavidovići broj: 08-02-10/1-03-1-3015/25 od 24.06.2025. godine,
- Kopija odgovora Nadzornog odbora JKP "Radnik" d.o.o. Zavidovići broj: NO-23/25 od 25.06.2025. godine.

U prilogu dopisa dostavljamo odgovor na vijećničko pitanje vijećnika Huskić Hasiba dostavljeno od BH Telekom Sarajevo, Direkcija Zenica, broj: 10.5-173-57056-04/25 3644 od 07.07.2025. godine.

S poštovanjem

Dostavljeno:

1. Naslovu,
2. U spis.

SEKRETAR GRADSKOG VIJEĆA

Samira Pinjić dipl. pravnik



Broj predmeta : UP1-10-23-7-03230/2016-1009-2-P

Datum, 4.5.2016. godine

1102/16
10.05.16

Federalni inspektor za zaštitu okoliša u postupku provođenja inspeksijskog nadzora na temelju člana 92. Zakona o zaštiti okoliša ("Službene novine FBiH", br. 33/03 i 38/09), u skladu sa članom 117. i 118. Zakona o inspekcijama Federacije Bosne i Hercegovine (Sl. novine FBiH 73/14), te na osnovu člana 200. Zakona o upravnom postupku ("Službene novine FBiH", br. 2/98 i 48/99) donosi

R J E Š E N J E

JKP RADNIK DOO ZAVIDOVIĆI u Ul. PODUBRAVLJE BR.3,72220 ZAVIDOVIĆI, pravnom licu, i MIRNESU BURKIĆ odgovornom licu u pravnom licu, **naređuje se** da :

1. Komunalni otpad odlaže na registriranu regionalnu deponiju.
2. Rok za izvršenje naloženih mjera je ODMAH
3. O izvršenim upravnim mjerama operator je dužan odmah obavijestiti inspektora u pisanom obliku, a najkasnije u roku od tri dana nakon izvršenja.

Žalba na rješenje ne odlaže izvršenje rješenja.

O B R A Z L O Ž E N J E

Vršeći inspeksijski nadzor po službenoj dužnosti, Federalni inspektor za zaštitu okoliša poštujući odredbe članova 67 Zakona o zaštiti okoliša, te odredbe članova 24 i 33. Zakona o upravljanju otpadom (Sl. novine FBiH br. 33/03 i 72/09), obavio je inspeksijski pregled dana 22.04.2016. godine na deponiji Ekonomija-Zavidovići, a pregled se odnosio na provođenje zakona i provedbenih propisa u oblasti zaštite okoliša.

Inspeksijskim pregledom je utvrđeno a zapisnikom broj: UP1-10-23-7-03230/2016 - ur. broj: UP1-10-23-7-00022/2016-1009-P-1009-1-P, konstatovano je slijedeće:

Operator je na uvid predao dokumentaciju koju je pribavio od nadležnih organa:
Od strane Federalnog ministarstva okoliša i turizma:

12.06.2012.godine doneseno je Rješenje br: UP-I05/2-23-11-60-1/12MR o odobravanju Plana prilagođavanja upravljanja otpadom za općinsku deponiju na lokaciji Ekonomija kojom upravlja JKP Radnik doo Zavidovići. U Planu je navedena dinamika izvršenja mjera prilagođavanja gdje su sve aktivnosti na zatvaranju deponije i uspostavljanju pretovarne stanice i sortirnice planirane do kraja 2015.godine.

Operator JKP RADNIK imenovao je Amera Halilovića kao odgovornu osobu za provođenje predmetnog Plana i time se obvezao da postepeno uđe u postupak zatvaranja predmetne deponije i pristupi postupku rješavanja zbrinjavanja komunalnog otpada putem Regionalnih međuopćinskih centara.

23.11.2012.godine doneseno je Rješenje o zatvaranju općinske deponije br:UP-I 05/2-23-11-60-2/12 u kome je naloženo zatvaranje deponije do 31.12.2013.godine i izrada plana rehabilitacije za zatvaranje, a odlaganje komunalnog otpada vrši se suprotno predmetnim Rješenjem

30.12.2012.godine potpisan je Ugovor o implementaciji odobrenih sredstva za potporu projekta Zatvaranja postojeće deponije otpada „Ekonomija-Bratvica“ sa općinom Zavidovići, a visina odobrenih sredstava iznosila je 164.120.00KM. Broj Ugovora 04-23-8-798/12-6.

24.10.2014.godine izdato je Rješenje-okolinska dozvola za sanaciju postojeće deponije i izgradnju objekata sortirnice i pretovarne stanice, a Studiju utjecaja na okolinu uradio je IHGF (Institut za hidrotehniku G. F. u Sarajevu) u martu 2014.godine

Od Federalnog ministarstva prostornog uređenja

o 21.08.2015.godine doneseno je Rješenje br:UPI/03-23-2-333/14 ID u kome se daje Urbanistička suglasnost za radove na izgradnji objekata sortirnice, pretovarne stanice i sanacije postojeće deponije, a zahtjev je podnešen od strane operatora 11.11.2014.godine.

Prilikom inspeksijskog nadzora 22.04.2016.godine pregledana je općinska deponija EKONOMIJA i utvrđeno je:

Na području općine Zavidovići, na udaljenosti cca 150m od naseljenog mjesta Grab i cca 200m od rijeke Bosne,

locirana je općinska deponije EKONOMIJA koja zauzima površinu od 1,5 ha koja je u vlasništvu općine Zavidovići.

Vrši se nesantitarno odlaganje otpada na deponiju bez ikakvog tretmana. Otpad se istresa, razgrće, nabija i povremeno prekriva kamenom i zemljanom prekrivkom. Procjedne vode se ulijevaju u potok koji prolazi sjevernim dijelom deponije i ulijeva se u rijeku Bosnu.

Oko deponije je podignuta žičana ograda koja je djelimično oštećena i nema svoju osnovnu funkciju, tj. ne sprječava nekontrolisani ulaz ljudi ni životinja. Na deponiji nije osiguran nadzor.

Deponija ne posjeduje osnovnu infrastrukturu (dovod vode, struje, kao ni odvod otpadne vode), kao ni osnovne objekte poput portirnice, upravne zgrade, kolske vage i sl.

Na deponiji su zatečena lica koja vrše selektivno prikupljanje sekundarnih sirovina. Redovno se vrši sistematska deratizacija i dezinfekcija.

Uslugama prikupljanja, transporta i odlaganja otpada u općini Zavidovići obuhvaćeno je 4.163 domaćinstva i 353 pravna subjekta što čini 16.652 stanovnika. Otpad preuzima JKP "Radnik" Zavidovići i odvozi na odlagalište komunalnog otpada „Ekonomija“ kojom isti i upravlja.

Prema izjavi direktora: Količina komunalnog otpada koje se odvozi na komunalnu deponiju Ekonomija iznosi cca 716 tona/mjesečno, a prosječno 30 tona/mjesec odvozi se na regionalnu deponiju Mošćanica.

Subjektu nadzora po izvršenom inspekcijskom pregledu dostavljen je zapisnik broj UP1-10-23-7-00022/2016-1009-P-1009-1-P, koji je potpisan od istog i na koji nije stavljen prigovor.

Upravna mjera u dispozitivu ovog rješenja određena je na osnovu:

- odredbi člana 92. Zakona o zaštiti okoliša, kojom je propisano da inspektor zaštite okoliša nakon izvršenog inspekcijskog pregleda donosi rješenje kojim nalaže rok za otklanjanje nepravilnosti i provođenje neophodnih mjera.

- odredbi člana 130. Zakona o organizaciji organa uprave u FBiH kojim je propisano da je inspektor dužan preduzimati i odgovarajuće preventivne aktivnosti u cilju sprečavanja nastupanja štetnih posljedica zbog nedostataka i nepravilnosti u provedbi zakona i drugih propisa čije izvršenje nadzire.

- odredbi člana 141. Zakona o inspekcijama u Federaciji Bosne i Hercegovine, kojima je definisano da kad se upravna mjera sastoji od radnji koje subjekt nadzora mora izvršiti u određenom roku, subjekt nadzora dužan je o izvršenju tih radnji odmah u pisanom obliku obavijestiti inspektora koji je donio rješenje o upravnoj mjeri, a najkasnije u roku od tri dana nakon izvršenja

- odredbi člana 33. Zakona o upravljanju otpadom ("Sl. novine FBiH", br. 33/03 i 72/09.) kojima je propisan način odlaganja i tretman otpadom, kao i odredbi člana 24. Zakona o upravljanju otpadom ("Sl. novine FBiH", br. 33/03 i 72/09.) kojima je propisana odgovornost proizvođača i vlasnika otpada, a članom 51. propisano je da, ako u vršenju inspekcijskog nadzora inspektor utvrdi da će budući rad ili proizvodnja prouzrokovati neposrednu opasnost žalba na rješenje inspektora ne odlaže izvršenje rješenja.

Uputstvo o pravnom lijeku:

Protiv ovog rješenja može se podnijeti žalba Federalnom ministarstvu okoliša i turizma u roku od osam dana od dana prijema rješenja i ista se taksira sa 15 KM Federalne upravne takse (Tarifa federalnih upravnih taksi, tarifni broj 3. Zakona o federalnim upravnim taksama, Sl. novine FBiH br. 06/98). Žalba se podnosi putem Federalne uprave za inspekcijske poslove usmeno na zapisnik, pismeno ili putem pošte.

Dostavljeno:

① x Naslovu
1 x Evidencija
1 x Arhiva





Broj: 08-02-10/1- 03-1-3015/25

Dana: 24.06.2025. godine

GRAD ZAVIDOVIĆI
GRADSKO VIJEĆE
Stručna služba Gradskog vijeća

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno 27-06-2025			
Org. jed.	Kl. ozna.	Red. broj	Br. priloga
01			

PREDMET: Odgovor na vijećničko pitanje, d o s t a v l j a m o.

VEZA: Vaš akt broj: 01-04-5/25 -AP-41 od 13.06.2025. godine

U vezi Vašeg akta broj i datum veze dostavljamo Vam odgovor na Vijećnička pitanja, vijećnice Gradskog vijeća, Grada Zavidovići, Jupić Amre i to kako slijedi:

Koliko je prekršajnih naloga izdato neodgovornim licima zbog nepropisnog zaustavljanja vozila u ulici Mehmed Paše Sokolovića (neposredna blizina Uni Credit bankomata) za period od 01.01.2024. do 30.04.2025. godine?

U vremenskom periodu 01.01.2024.godine do 30.04.2025.godine u ulici Mehmed Paše Sokolovića (neposredna blizina Uni Credit bankomata) policijski službenici PS Zavidovići su zbog nepropisnog zaustavljanja i parkiranja vozila, vozačima popunili i izdali 288 (dvjesto osamdeset i osam) prekršajnih naloga

Predmetni odgovor Vam dostavljamo radi upoznavanja i blagovremenog odgovora navedneoj vijećnici na vijećničko pitanje.

S poštovanjem!

Dostavljeno:

1x - naslovu

1x - a/a

KOMANDIR POLICIJSKE STANICE

Samostalni inspektor
Nermin Merdanović



Safvet bega Bašagića, Tel. 032/879-111,
www.mupzdk.gov.ba
E-mail: mupzdk@mupzdk.gov.ba

Nadzorni odbor JKP Radnik doo
Podubravlje 3
72220 Zavidovići
Broj: NO – 23/25
Datum: 25.06.2025.

Bosna i Hercegovina
Federacija Bosne i Hercegovine
Zeničko – dobojski kanton
Grad Zavidovići
Stručna služba Gradskog vijeća

Predmet: Odgovor na vijećničko pitanje vijećnice Amre Jupić

Poštovani,

Nadzorni odbor JKP Radnik doo Zavidovići dana 23.06.2025. godine zaprimio je Vaš zahtjev broj 04-04-5/25-AP-42 u vezi sa odlukom o poništenju Javnog oglasa za prijem u radni odnos broj 652-139-PE-01/25 od 08.04.2025. godine. U vezi s tim, dajemo sljedeće obrazloženje:

Javno komunalno preduzeće Radnik doo Zavidovići raspisalo je dana 08.04.2025. godine Javni oglas za prijem radnika na tri radna mjesta. Nakon donošenja odluka o prijemu u radni odnos i obavještanja kandidata koji su učestvovali u konkursnoj proceduri, dana 08.05.2025. godine preduzeće je zaprimilo prvi prigovor jednog od kandidata. U narednom periodu pristigli su i dodatni prigovori još tri kandidata koji su učestvovali u istom postupku.

Osnov prigovora ticao se sljedećeg: neusklađenost uslova traženih u javnom oglasu i potrebne dokumentacije za dokazivanje tih uslova (naime, predmetnim oglasom traženo je određeno radno iskustvo za sve tri pozicije, ali nije tražen dokaz kojim se dokazuje radno iskustvo, čime kandidati izražavaju sumnju u neravnopravno tretiranje kandidata, odnosno sumnju u mogućnost dovođenja u isti položaj kandidata koji može i kandidata koji ne može dokazati traženo radno iskustvo); neobjektivno bodovanje; usmeni zahtjev za dostavljanjem potvrde o radnom iskustvu i mijenjanje uslova javnog oglasa na nepropisan način; onemogućavanja kopiranja dokumentacije iz javnog oglasa na pismeni zahtjev kandidata; povredu prava učešća na usmenom dijelu ispita.

Nadzorni odbor JKP Radnik doo je, u cilju objektivne i zakonite procjene navoda, konsultovao više stručnih lica iz oblasti prava, uključujući pravnike sa iskustvom u radnom i javnom sektoru. Na osnovu njihovih mišljenja i uvida u relevantne propise, kao i na osnovu analize zaprimljenih prigovora kandidata, utvrđeno je postojanje osnovanih sumnji u zakonitost sprovedene konkursne procedure. Svi članovi Nadzornog odbora složili su se da je u postupku javnog oglasa došlo do pravnih i proceduralnih nepravilnosti i to: nedostatak jasne obaveze dostavljanja potvrde o radnom iskustvu u konkursnoj dokumentaciji; traženje dokaza o radnom iskustvu usmeno, a ne pismeno; neusaglašenost između sistematizacije radnih mjesta i postupka konkursa; nedostatak provjere validnosti potvrda o radnom iskustvu i sumnja u ispunjenost uslova konkursa i ravnopravnog rangiranja kandidata; nepoštivanje propisanog postupka objavljivanja i izmjene javnog oglasa (nije bilo pismenog poziva ili dopune dokumentacije kako je to predviđeno Uredbom o postupku prijema u radni odnos u javnom sektoru u Zeničko – dobojskom kantonu i principima jednakosti i transparentnosti).

Usmeno traženje potvrda o ispunjavanju uslova, bez jasnog pozivanja na njih u tekstu oglasa, otvara prostor za manipulaciju dokumentima i onemogućava sankcionisanje bilo kakvih nepravilnosti, jer nije postojala formalna obaveza.

Imajući u vidu fazu u kojoj je javni oglas bio, odnosno da su kandidatima već poslane odluke o prijemu u radni odnos, te da smo s jedne strane imali kandidate koji su uložili prigovor, a s druge strane kandidate koji su dobili odluku o prijemu u radni odnos Nadzorni odbor je uputio dopis konsultanskoj kući Rec doo Sarajevo čiji Vam odgovor prenosimo u cjelosti.

Članom 6. stav (1) tačka g) Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“ broj 2/24) propisano je da Javni oglas iz člana 4. stav (3) ove uredbe sadrži podatke o potrebnim dokazima o ispunjavanju općih i posebnih uslova. Obzirom da u konkretnom slučaju u tekstu Javnog oglasa nije naveden podatak o dokazu o ispunjavanju posebnog uslova u pogledu potrebnog radnog iskustva, isti oglas nije u skladu sa prethodno pomenutim članom 6. stav (1) tačka g. Uredbe o postupku prijema u radni odnos u javnom sektoru u Zeničko-dobojskom kantonu, te shodno tome smatramo da je opravdano da Nadzorni odbor poništi Javni oglas u ovom slučaju. Članom 13. Stav (8) Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“ broj 2/24) propisano je da odluka o prijemu postaje konačna istekom roka za prigovor, odnosno konačnosti odluke po prigovoru. Stoga u slučaju poništenja javnog oglasa mišljenja smo da odluke o prijemu ne mogu postati konačne i da poništenjem javnog oglasa isti više ne proizvodi pravno dejstvo.

Nadzorni odbor nije sud i nema ovlaštenje da utvrđuje da li je dozvoljeno prekršiti neku uredbu ili zakon. On ne može „legalizirati“ ili opravdati kršenje propisa. **Ako je Uredba prekršena, to se ne može opravdati, već se mora ispraviti.** Pravo da konačno tumače zakonitost imaju isključivo sudovi. Međutim, sudovi u Bosni i Hercegovini su više puta isticali da odluke o prijemu ne mogu opstati ako je prethodni postupak nezakonit, te da se konkurs može i treba poništiti ako je utvrđena proceduralna nepravilnost poput usmenog traženja dokaza o radnom iskustvu čak i ako su kandidati već primili odluke o prijemu u radni odnos. U suprotnom bi se legalizovala nepravilnost, a to nije dopušteno po zakonima i praksi sudova u Bosni i Hercegovini. Stoga Nadzorni odbor JKP Radnik doo Zavidovići smatra da je odluka o poništenju javnog oglasa donešena i u interesu ovih kandidata, jer bi svi ostali kandidati u narednom periodu mogli osporiti njihov ugovor o radu.

Nadzorni odbor JKP Radnik doo nije samoinicijativno donio odluku o poništenju javnog oglasa, već na osnovu osnovanih prigovora kandidata, kada više nije bilo moguće izvršiti korekciju javnog oglasa. **Nadzorni odbor JKP Radnik doo naglašava da odluka o poništenju javnog oglasa nije usmjerena protiv kandidata već protiv nezakonitog konkursa.** Odluke o poništenju je donošena u cilju zaštite ustanove i javnog interesa. Cilj odluke nije bio da se „kazne“ kandidati koji su primili odluke, već da se spriječi veća šteta u slučaju zadržavanja neregularnih odluka, odnosno poništenja od strane suda, tužbi kandidata, pa čak i disciplinske i krivične odgovornosti, kao i da se omogući provođenje novog zakonskog postupka javnog oglasa (Nadzorni odbor je sugerisao Upravi preduzeća da obavjesti sve kandidate da će objaviti novi oglas koji će biti u potpunosti u skladu sa zakonskim odredbama i da pozove sve kandidate da učestvuju u istom).


Nereagovanje na očiglednu nepravilnost i omogućavanje da konkurs bude proveden na nezakonit način povlači odgovornost za povredu zakona i omogućavanje nezakonitog zapošljavanja.

Zato je pravovremeno poništenje konkursa na osnovu utvrđene proceduralne nepravilnosti bilo zakonito, nužno i preventivno ispravno.

S poštovanjem

Predsjednik Nadzornog odbora JKP Radnik doo




Meliha Šabić Kalabić, mr.oec.

Dostavljeno:

1. Naslovu,
2. U spis.

Bosna i Hercegovina
 Federacija Bosne i Hercegovine
 Zeničko-dobojski kanton
 Grad Zavidovići
 Stručna služba Gradskog vijeća
 Jelenetar Gradskog vijeća Zavidovići

BOSNA I HERCEGOVINA
 FEDERACIJA BOSNE I HERCEGOVINE
 ŽENICKO-DOBOJSKI KANTON
 GRAD ZAVIDOVIĆI
 STRUČNA SLUŽBA GRADONACELNIKA

Primljeno: 25-06-2025	
Org. jed.	M. ozn.
21	Red. broj



DIONIČKO DRUŠTVO
BH TELECOM SARAJEVO
DIREKCIJA ZENICA


Dioničko društvo BH Telecom Sarajevo
Franca Lehara 7, 71000 Sarajevo, BiH

R RW20690 409 2 BA
72101 Zenica

POŠTOM PRILICENA
KOD POŠTE
72101 ZENICA



BOSNA I HERCEGOVINA
FEDERACIJA BOSNE I HERCEGOVINE
ZENČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA



Primljeno: 08 -07- 2025			
Org. jedn.	Kl. oznaka	Red. broj	Dr. priloga
01			